

तरसे नज़रिया वो

स्थाई:- तरसे नज़रिया वो... तरसे नज़रिया वो... 2
दे दर्सन के दान वो मईया, तरसे नज़रिया वो..
चढ़- तोर मुहरन के वो... झलक देखादे वो... ॥
तरसत मोर परान वो मईया... तरसे नज़रिया वो

तोरे धियान म बुड़े रहीथव, आठो पहर बर माता वो ।
मोर अरजी ल सुनबे कभू वो राखे हव बिस्वासा वो ।
चढ़- दया मया के वो... अमृत झलकादे... ॥
झन कर बेड़ बिहान वो मईया... तरसे नज़रिया वो

देखे बर हिर्दय कलपत हे, नयना दरस के पियसा वो
ये जिनगी ल पार लगादे, अटके हव मोह फासा वो
चढ़- इंदरी जुड़ाही वो... अंतस सुःख पाहि वो ॥
देदे अजब बरदान वो मईया... तरसे नज़रिया वो

सगरो जगत के तै महारानी, सरबस तोरे बासा वो ।
भाग ल मोर जगादे मईया, करदे कुछु आभासा वो ।
चढ़- सतजुगहीन मईया वो... मोर मंसा पुरादे वो ॥
गौतम करे गूनगान वो मईया... तरसे नज़रिया वो

<https://bhajanganga.com/bhajan/lyrics/id/36081/title/tarse-nazariya-vo>

अपने Android मोबाइल पर [BhajanGanga](#) App डाउनलोड करें और भजनों का आनंद ले |